



UNIVERSITI  
TEKNOLOGI  
MARA

Cawangan Negeri Sembilan  
Kampus Rembau

2024

# RONA TINTA

e-BULETIN  
EDISI  
2024

FAKULTI PENGURUSAN & PERNIAGAAN  
UNIVERSITI TEKNOLOGI MARA  
CAWANGAN NEGERI SEMBILAN, KAMPUS REMBAU



CHIEF EDITOR  
**SYAZLIANA KASIM**

EDITORS  
**FARRAH OTHMAN**  
**NOOR AZILLAH MOHAMAD ALI**  
**SHAHRUL AMRI AB WAHAB**  
**DR. HAFIZ ALI, M.**



# BENKEL INTENSIF KURSUS UNDANG-UNDANG PERNIAGAAN DAN PERNIAGAAN ANTARABANGSA

27 FEBRUARI 2024

DR. SUTINA JUNOS

Pelaksanaan Bengkel Intensif Kursus Undang-undang Perniagaan dan Perniagaan Antarabangsa ini merupakan program sesi perkongsian kepakaran pensyarah Fakulti Pengurusan dan Perniagaan UiTM Cawangan Negeri Sembilan Kampus Rembau bersama komuniti setempat. Bengkel ini diadakan bertujuan memberi pemahaman secara lebih mendalam dan pengetahuan tambahan kepada semua peserta mengenai kursus Undang-undang Perniagaan dan Perniagaan Antarabangsa yang baru dipelajari oleh mereka.

Peserta bagi program ini terdiri daripada pelajar-pelajar dan tenaga pengajar Jabatan Perniagaan Kolej Vokasional Dato' Lela Maharaja Chembong Rembau Negeri Sembilan. Bengkel ini juga telah diadakan untuk memberi peluang kepada pensyarah-pensyarah UiTM untuk berkongsi kepakaran dalam bidang masing-masing bersama komuniti dan mengeratkan lagi hubungan kerjasama antara Fakulti Pengurusan dan Perniagaan UiTM Cawangan Negeri Sembilan dan Jabatan Perniagaan, Kolej Vokasional Dato' Lela Maharaja bagi menjalankan program-program berimpak tinggi di masa akan datang.



Program ini dirancang bertujuan untuk mencapai objektif yang berikut: 1) memberi pengetahuan dan kefahaman kepada peserta dengan lebih mendalam mengenai kursus Undang-undang

Perniagaan dan Perniagaan Antarabangsa, 2) membantu peserta untuk mempelajari cara mengenalpasti kes dan rujukan kes yang sesuai untuk menyelesaikan sesebuah kes yang berlaku dalam skop kedua-dua kursus. 3) memberi peluang kepada pensyarah-pensyarah fakulti untuk berkongsi kepakaran dalam bidang masing-masing, 4) mengeratkan hubungan kerjasama antara kedua-dua buah institusi.

Bengkel ini dijalankan pada 27 Februari 2024 (Selasa) dari 9.00 pagi hingga 5.00 petang, bertempat di TEC 15 dan TEC 16, UiTM Kampus Rembau. Bengkel ini disertai oleh 31 orang pelajar Kolej Vokasional Dato' Lela Maharaja, Chembong Rembau Negeri Sembilan dan 4 orang tenaga Pengajar Jabatan Perniagaan, Kolej Vokasional Dato' Lela Maharaja, Chembong Rembau Negeri Sembilan.

Senarai penceramah adalah seperti berikut:

- 1) Dr Siti Sara Ibrahim - Timbalan Rektor Bahagian PJIM&A / Pensyarah Kanan Fakulti Pengurusan dan Perniagaan, UiTM Cawangan Negeri Sembilan Kampus Rembau
- 2) Nuryusmawati Binti Mohd Yusof - Pensyarah Kanan Fakulti Pengurusan dan Perniagaan, UiTM Cawangan Selangor
- 3) Najwa Binti Azizun- Pensyarah, Jabatan Undang – Undang UiTM Kampus Dengkil
- 4) Namirah Binti Mohd Akahsah - Pensyarah, Jabatan Undang – Undang UiTM Kampus Dengkil



Bengkel ini mempunyai impak dari segi membantu peserta meningkatkan pengetahuan dan kefahaman dengan lebih mendalam mengenai kursus Undang-undang Perniagaan dan Perniagaan Antarabangsa. Ia dapat membantu peserta untuk mempelajari cara mengenalpasti kes dan rujukan kes yang sesuai untuk menyelesaikan sesebuah kes yang berlaku dalam skop kedua-dua kursus. Ia juga dapat memberi peluang kepada pensyarah-pensyarah UiTM untuk berkongsi kepakaran dalam bidang masing-masing. Selain itu, ia dapat mengeratkan hubungan kerjasama antara kedua-dua buah institusi.

Antara Cadangan penambahbaikan program adalah; (1) untuk mengadakan perjanjian persefahaman antara kedua-dua buah institusi, supaya perancangan program hendaklah dilakukan lebih awal dan lebih sistematik, (2) untuk mengadakan program ini secara berkala, dan (3) berkongsi kepakaran untuk bidang yang lain dan institusi yang berbeza.